

四庫全書

子部

欽定四庫全書

子部

赤水元珠卷二十三

詳校官太醫院恩糧臣孔毓秀

編修臣倉聖脈覆勘

總校官編修臣王燕緒

校對官助教臣卜惟吉

謄錄監生臣謝達錕

欽定四庫全書

赤水元珠卷二十三

明 孫一奎 撰

產後乍見鬼神

產後如見鬼神或言語譫妄皆由血氣虧損陰虛發熱
或瘀血停滯以致心神煩躁而然也宜以調經散治
之

薛氏曰若敗血停滯用調經散若血虛發熱用八珍加

炮薑若心血虛損用栝子仁散大抵此証皆由心脾血少所致但調補胃氣則痰清而神自安矣若果係鬼祟所附即灸鬼哭穴可愈其或不起者多因豁痰降火攻伐之過也

一產婦患前症或用調經散愈而復作仍服前散益甚痰涎上湧朝寒暮熱乃早用八珍散夕用加味歸脾湯各五十餘劑而愈

調經散 治血虛經閉心神煩躁渾身疼痛或時見怪

沒藥

琥珀

桂心

各一錢

白芍

炒

當歸

各七分

細辛

五分

麝香

少許

右為末每服半錢薑湯酒各少許調服

栢子仁散

治產後元氣虛弱瘀血停滯狂言亂語

栢子仁

遠志

人參

桑寄生

防風

當歸

炒

生地

甘草

炙

各等分用白羊心一個水三盞煮清汁七分入藥

五錢煎服

產後心神驚悸

薛氏曰人之所主者心心之所主者血心血一虛神氣不守此驚悸所由作也當補血氣為主

一產婦患前症二度服琥珀地黄丸局方妙香散隨效再患服之其症益甚而脉浮大按之如無發熱惡寒此血氣俱虛乃以十全大補加味歸脾二湯各百餘劑而愈後遇驚恐勞怒復作仍服前藥而安

琥珀地黄丸 治產婦惡露未盡胸腹作痛或小便不

利

琥珀

延胡索

糯米同炒去米

川歸

各一兩

蒲黃

四兩

大

生地

研取汁留滓

生薑

各二斤研取汁留滓生薑汁石銀器內炒地黃滓以地黃汁炒

生薑滓各乾為度

右為末蜜丸如彈子大每服一九當歸煎湯化下

治血虛驚悸少寐及產後敗血停留少腹作痛

辰砂

琥珀

沒藥

當歸

等分

右為末每服二錢空心日午臨卧白湯調下

治產後驚悸亂語精神不定用好硃砂為細末每以酒調下一錢

產後中風恍惚

產後恍惚因元氣俱虛心經血少或外邪所侵以致心神恍惚怔忡不寧

薛氏曰當大補氣血為主而佐以後方為善蓋風乃虛極之假象也固其本元諸病自退若專治其風則速其危矣

一產後患前症盜汗自汗發熱晡熱面色黃白四肢畏
冷此氣血俱虛用八珍湯不應更用十全大補加味
歸脾二湯始應後因勞怒發厥昏憤左目牽緊兩唇
抽動小便自遺作肝火熾盛用十全大補加鈎藤山
梔而安再用辰砂遠志丸而愈

辰砂遠志丸 產後中風驚狂起卧不安或痰涎上湧

石菖蒲

遠志

去心蘆用
甘草湯煮

人參

茯神

辰砂

各三

錢

川芎

山藥

鉄粉

麥冬

細辛

天麻

半夏

南星

白附子

各一兩

為末薑汁糊為丸棗豆大別以硃砂為衣每服三

十九薑湯送下

產後極虛生風

產後生風因去血過多氣無所主以致唇青肉冷汗出
目眩神昏急服濟危上丹若投以風藥則悞甚矣

薛氏曰若心脾氣血虛用十全大補湯如不應加附子
鉤藤鈎若肝經血虛用逍遙散加鉤藤經云脾之榮

在唇心之液為汗乃心脾二臟虛極急用參附湯救之

一婦患前症或用諸補劑四肢逆冷自汗泄瀉腸鳴腹疼以為陽氣虛寒用六君子薑附各加至五錢不應以參附加至一兩始應良久不服仍前腸鳴腹痛後灸關元穴百餘壯及服十全大補湯方效

濟危上丹

乳香 五靈脂 硫黃 玄精石 阿膠 卷栢

桑寄生 陳皮 各等分

將上四味入石器微火炒再研入餘末用生地黃汁九梧子大每服二十九食前溫酒或當歸酒下

當歸建中湯 治產後腹痛拘急痛連腰背自汗少食

當歸 桂心

各三兩

白芍

六兩

炙甘草

二兩

每服五錢薑棗水煎入飴糖一匙以效為止

獨參湯 一切失血惡寒發熱作渴煩躁或口噤痰鳴

自汗盜汗氣虛脉脫手足逆冷益血生於氣補氣者

乃陽生而陰長也

產後虛汗不止

產後汗不止者皆陽氣頓虛腠理不密而津液妄洩也
若遇風則變痙縱虛乏短氣則身體消瘦唇口乾燥
久則經水斷絕由津液竭故也

薛氏曰若血氣俱虛急用十全大補湯如不應參附芪
附湯恐汗多亡陽發痙尤當用之王好古曰頭汗出
至頸而還額上偏多蓋額為六陽之所會也由虛熱

薰蒸而出竊謂前症當以部位分之額左屬肝額右屬肺鼻屬脾頤屬腎額屬心治者審之

一產婦略聞音響其汗如水而昏瞶諸藥到口即嘔作脾氣虛憊用參附末為細丸時含三五粒液下乃漸加至錢許却服參附湯而痊

一產婦盜汗不止遂致廢寐神思疲甚口乾引飲乃血虛有熱用當歸補血湯以代茶又以當歸六黃湯內黃芩黃柏炒黑倍加人參五味子二劑而愈

麻黃根湯 產後虛汗不止身熱發渴驚悸不安

當歸 黃芪炒 麻黃根 牡礪煨 炙甘草

人參

各等分水煎服

產後氣脫汗不止小便短少四肢難以屈伸

炙甘草一兩 附子炮五錢 桂心 白芍炒各一兩五錢

每服三五錢加薑棗水煎服以效為止

止汗散

牡蠣煅五錢

小麥麴炒八兩

右為細末每服三五錢猪油汁調下

人參湯 產後諸虛不足發熱盜汗內熱晡熱等症

人參 當歸

等分為末猪腰子一枚切片水二鍾糯米半合葱
白二根煮取汁八分入藥三錢煎服

當歸六黃湯 治氣血虛熱盜汗不止如不應加人參
白朮心血不足加炒酸棗仁

當歸

熟地

黃芪

炒各二錢

生地

黃柏

炒黑

黃芩

炒黑

黃連

炒黑各一錢

水煎服

參附湯

治陽氣虛寒自汗惡寒手足逆冷大便自利

或臍腹疼痛嘔逆不食或汗多發瘧等症

人參

兩

大附子

炮五錢

作一服加薑棗水煎徐徐飲下

當歸補血湯

治肌熱燥熱目赤面紅煩渴引飲晝夜

不息脉洪大而虛重按全無者

當歸

三錢

黃芪

炙一兩

水煎服

芪附湯 治陽氣虛脫惡寒自汗或口噤痰湧四肢逆冷或吐瀉腹痛飲食不入及一切虛寒等症

黃芪

一兩

附子

炮五錢

作一服加薑棗水煎如不應倍加附子乃得全濟
汗多變瘧

產後汗多變瘕因氣血虧損肉理不密風邪所乘口噤
背強如癰或搖頭馬嘶不時舉發氣息如絕宜速灌
小續命湯若汗出兩手拭不及者不治

薛氏曰此因去血過多元氣虧損或外邪相搏以致牙
關緊急四肢瘕強或陰火內動或腰背反張肢體抽
搐若有汗而不惡寒者曰柔瘕若無汗而惡寒者曰
剛瘕由亡血過多筋無所養故傷寒汗下過多及潰
瘍而濃血大泄者多患此乃敗症也急以十全大補

湯治之如不應急加大附子多有復甦者

一產婦牙關緊急腰背反張四肢抽搐兩目連劄此去
血過多元氣虧損陰火熾盛用十全大補加炮薑一
劑而甦數劑而安

小續命湯 治剛痙或脚氣痺弱不能轉舒行步欹側
或口眼喎邪牙關緊急角弓反張

麻黃 桂心 甘草

錢各五

防風 白芍

炒

白朮

炒

人參 川芎

大附子

炮

防己

酒洗

黃芩

炒各

等分

每用五錢水煎入薑汁少許溫服若自汗為柔痙者去麻黃有熱去附子減桂一半盛冬初春去黃芩

產後口噤腰背反張

產後口噤由血氣虛而風邪乘於手三陽經也蓋手三陽之筋循結于頷得風冷則筋急故致口噤腰背攣急角弓反張者是風邪入於諸陽之經也

薛氏曰若因血氣耗損腠理不密汗出過多而患之者乃虛象也宜固氣血為主佐以本方丹溪謂產後當大補氣血為先雖有它症以末治之如惡寒發熱等症乃氣血虛甚之極也宜大劑參芪歸朮肉桂以培養之如不應急用炮附子再不應用人參一兩附子二三錢名參附湯倘猶不應乃藥力未能及也宜多用之

婦人產後不省人事吐涎痺癰

當歸 荊芥穗

等分三錢水一盞酒少許煎灌之下即甦倘未應者當改用大補氣血藥

張文仲治前症用白朮四兩以酒濃煎頓服

產後中風

產後中風或氣血未復風寒所感以致筋攣拘急口眼歪斜或肢體緩弱入臟則恍惚驚悸郭稽中云產後強力下床或悞入房或憂怒內傷臟腑陳無擇曰當

以脉辯而治之若努力下床月內入房憂怒者著艾
非中風類乃蓐勞火邪之症

薛氏曰若果外邪所屬形氣不足病氣有餘當補元氣
為主稍佐以治病之藥若強力下床月內入房屬形
氣病氣俱不足當純補元氣多有復甦者若悞投風
藥乃促其危也

治產後身背拘急妄言發熱四肢拘攣不時驚悸

川芎 羌活 羚羊角 酸棗仁

炒

芍藥

炒各
四兩

桑白皮

一兩
五錢

防風

一兩二
錢五分

每服六七錢水煎服

治產後中風唇青鼻黑用小續命湯連進三服即愈

產後中風煩渴用紅花子

五合
炒

水煎徐徐呷之

產後四肢筋攣

產後中風四肢筋脉攣急乃氣血俱虛或風邪客於皮膚則頑痺羸乏若入於筋脉則四肢攣急皆由大經空虛風寒乘虛而漸入也

薛氏謂肝屬木而主筋若肝經風熱血燥用加味道遙散如不應當用六味丸以補腎水

一產婦筋攣臂軟筋肉掣動此氣血俱虛而自熱也用十全大補湯而安

一產婦手麻服愈風丹遍身皆麻神思倦怠乃氣血虛弱以十全大補湯加炮薑數劑漸愈去薑繼服而安

產後遍身疼痛

產後遍身疼痛者由氣虛百節開張血流骨節以致肢

體沉重不利筋脉引急發熱頭痛宜用赴痛散治之
陳無擇云若兼感寒傷食宜用五積散若誤作傷寒
發汗則筋脉抽搐手足厥冷則變為瘕當補氣血為
主

薛氏曰若以手按而痛益甚是血瘀滯也用四物炮薑
紅花桃仁澤蘭補而散之若按而痛稍緩此是血虛
也用四物炮薑人參白朮補而養之

赴痛散 產後骨節疼痛發熱頭重四肢不舉

牛膝

酒炒

甘草

炙

薤白

各一兩

當歸

桂心

白朮

炒

黃芪

炒

獨活

生薑

各半兩

每用五錢水煎服

五積散

治風寒所傷遍身疼痛脚氣疼痛或寒熱拘

急嘔吐不食等症

當歸

浸

白芍

川芎

桔梗

各炒

厚朴

薑制

人參

茯苓

陳皮

白芷

蒼朮

半夏

薑制

肉桂

麻黃

炙甘草

各五分

入薑棗水煎服

產後腰痛

腎主腰脚產後腰痛者蓋腎為胞胎所繫此因產勞傷腎以致風冷客之若連背脊痛久未已後遇有孕必至損動

薛氏曰若真氣虛而邪乘之者當歸黃芪湯或十全大補為主佐以寄生湯如不應須十全大補加附子

一產婦腰痛腹脹善噫諸藥皆嘔乃脾虛血弱用白朮

一味炒黃每劑一兩米泔煎時飲一匙四劑後漸安服百劑全愈

如神湯

即生料五積散

加桃仁逐敗血去風濕

產後惡露不盡腰重痛或兩股痛如錐刺宜服桃仁湯若作癰用五香連翹湯

桃仁湯

治產後惡露不盡腹中作痛或流注腿股作

痛急用此湯治之如未應多變作瘕須用五香連翹湯

桃仁去皮尖

蘇木 生地各半兩

蟲蟲去足翅炒

水蛭

炒各十
三枚

每服五錢薑水煎空心熱服以惡露下為度

五香連翹湯

木香 丁香 沉香 麝香 升麻 獨活 連翹

木通 桑寄生各二兩

每劑五錢水煎入竹瀝少許服

當歸黃芪湯 治腰痛不可轉側或汗出壯熱氣短

黃芪

炒

白芍藥

炒各
二兩

當歸

三兩

每劑五錢水煎服

產後腰痛兒枕痛

產後腹痛或因外感內傷瘀血壅滯所致瘀血以失笑散風寒外感以五積散內傷飲食以養胃湯加山查治之

產後兒枕痛者乃母胎中宿血也其痛在小腹大抵小腹痛多由惡露凝滯或外寒相搏若久而不散必成

血瘕月水因之而不調也

生生子曰設以手按之痛甚者瘀血也按之而痛緩者或喜熱物熨之者此虛中有寒也當補而溫之

山查濃煎汁入砂糖少許服之極治兒枕痛以其能消瘀血故痛止也

隱居澤蘭湯 產後惡露腹痛或胸滿少氣

澤蘭 生地 當歸 芍藥炒 生薑各一錢 甘草

炙五
分 大棗四枚

水煎服

失笑散 治心腹痛產後瘀血上攻心腹疼痛而牙關
緊急一服而愈

五靈脂

蒲黃

各一錢

醋水煎服五靈脂一味尤妙

大岩密湯 治湯氣虛寒心腹作痛不食四肢厥冷

生地 當歸 獨活 吳茱萸 炮薑 白芍藥

炒

甘草炙

桂心 小草

各一兩

細辛

半兩

每帖五錢水煎服

延胡索散 產後惡血凝滯臍下作痛或作寒熱

延胡索

桂心

各半兩

當歸

一兩

為末食前熱酒調下二錢 失笑散尤佳

當歸養血丸 產後瘀血心腹脹痛或腰脚疼痛

當歸 赤芍

丹皮

延胡索

炒各二兩

桂心

一兩

為末蜜丸梧子大每服五十九丸溫酒下

金黃散

治惡露上冲肚腹作痛或發熱口渴

延胡索

蒲黃

各一錢

桂心

二分

為末酒調下

產後寒疝腹痛

良方曰產後臍腹作痛乃冷氣乘虛也用當歸建中湯治之陳無擇云若產當寒月人門臍下脹痛手不可近者用羊肉湯治之

生生子曰若驗其無瘀血而果為寒氣所侵蟠蔥散亦佳如小水短濇口渴內熱以龍胆瀉肝湯加青蒿徹

其熱從小便出也亦有陽氣下陷者以補中益氣湯
加芍藥桂心荔枝核

羊肉湯 產後脾虛寒邪所乘以致腹痛或頭眩脇臍
急痛

精羊肉

四兩

當歸

川芎

各半兩

生薑

一兩

水十盞煎四盞分四次服

蟠葱散

方見前瘕癖疝瘕門

產後兩脇脹痛

良方曰此因惡露不盡或肝經血虛或肝經氣滯當分而治之宜與脇痛門參治

一產婦因怒兩脇脹痛吐血甚多發熱惡寒胸腹脹痛乃氣血俱虛用八珍加柴胡丹皮炮薑而血頓止又

用十全大補湯而寒熱退

此症苟非薑桂辛溫助脾肺以行藥勢不惟無以施

其功而反助其脹耳

經效方 治產後肝經氣滯不平脇肋腹痛或寒熱往

來內熱晡熱

當歸一錢

半

芍藥炒

苦梗炒

檳榔

枳殼炒各

八分

桂心

青木香

柴胡

各六分

水煎服

當歸散

治產後陰血虛弱或氣滯血凝以致發熱腹

痛或腹脇脹滿以當歸乾薑等分每服三錢水煎服

產後血瘀

良方曰產後瘀血與氣相搏名曰瘀謂其痛而無定處

此因風有風冷而輕則否澁重則不通

薛氏曰前症乃寒邪乘客氣血壅滯此因氣病而血病也當補養胃氣調和月經寬緩靜養為善難經云任脉為病男子內結七疝女子為瘕聚然當與瘕聚門
參治

治血瘕作痛臍下脹滿或月經不行發熱體倦

當歸

八分

桂心

芍藥

炒

血竭

蒲黃

炒各六分

延胡索

炒四分

為末空心酒調分二次服

葛氏方 治前症桂心為末每服一錢空心酒調下

產後發熱

大全人參湯 治產後諸虛不足發熱盜汗

人參 當歸

等分為末以猪腰子一具去脂膜切小片子以水
三升糯米半合葱白二條煮米熟取清汁一盞入
藥末二錢煎至八分不拘時溫服

羅氏犀角飲子 治產後亡津液虛損時自汗出發熱

困倦唇口乾燥

犀角 麥冬

白朮

各半兩

柴胡

一兩

枳殼

麩炒

生地 地骨皮 炙甘草 當歸 人參 茯苓

黃芩

黃芪

各七錢

右每服六錢入浮小麥七十粒薑三片水煎服

產後發熱多屬不足虛中有寒丹溪每以乾薑加入補藥中取效不可不知

產後虛煩發熱

薛氏曰虛煩發熱乃陽隨陰散氣血俱虛若惡寒發熱煩燥作渴急用十全大補湯若熱愈甚急加桂附若作渴面赤宜用當歸補血湯若誤認為火症投以涼劑禍在反掌王冰先生云大寒而甚熱之不熱是無火也熱來復去晝見夜伏夜發晝止不時而熱是無火也當治其心如大熱而甚寒之不寒是無水也熱動復止倏忽往來時動時止是無水也當助其腎故心盛則生熱腎盛則生寒腎虛則寒動於中心虛則

熱收於內又熱不勝寒是無火也寒不勝熱是無水也
治法前症無水者六味丸無火者八味丸氣血俱虛者八珍湯或十全大補湯

人參當歸湯 治產後虛煩短氣發熱

人參 當歸 麥冬 桂心 生地 大棗

各二錢

四枚

粳米

合

淡竹葉

二錢

芍藥

炒一錢

水煎服

產後血弱虛煩四物加茯神遠志服之

產後餘血不盡奔心煩悶生藕汁飲一二盞甚效竹瀝亦佳

竹葉湯 產後短氣欲絕心中煩悶以此補之

竹葉

麥冬

小麥

各一升

甘草

一兩

生薑

二兩

大棗

十四枚

水一斗煮小麥竹葉至八升去渣納餘藥煮取三

升去渣溫服 虛悸加人參二兩氣力少加糯米

五合

產後血渴

薛氏曰若出血過多虛火上炎用童子小便或四物白
朮麥冬丹皮若胃氣虛而有熱用竹葉歸芪湯若血
虛發熱用八珍加麥冬五味若血脫發熱煩躁用當
歸補血湯若胃氣虛弱用補中益氣湯或七味白朮
散

七味白朮散

治中氣虛弱津液短少口乾作渴或因

吐瀉所致

人參 白朮炒 白茯苓 木香 炙甘草 藿香

葛根各一錢

水煎服

竹葉歸芪湯 治胃氣虛熱口乾作渴惡冷飲食

竹葉一錢半 當歸一錢 黃芪二錢 白朮 人參各一錢

麥冬七分 炙甘草五分

水煎服

產後乍寒乍熱

產後乍寒乍熱由血氣虛損陰陽不和若陰勝則乍寒
陽勝則乍熱宜用增損四物湯若因敗血不散腹內
作痛宜用奪命丹後用增損四物湯隨病加減陳無
擇云敗血流閉諸陰則寒流閉諸陽則熱用大調經
散五積散

薛氏謂陽氣不足陰氣上入於陽中而惡寒者用補中
益氣湯若因陰氣不足陽氣下陷於陰中而發熱者
用六味丸若氣血不足而惡寒發熱者用八珍湯若

病後寒熱倦怠者用補中益氣湯若肌熱大渴目赤面紅者用當歸補血湯

一產婦惡寒發熱此血氣虛寒用十全大補加炮薑而寒熱愈繼以補中益氣而肢體安

增損四物湯

人參 當歸 芍藥 炒 川芎 乾薑 炒 甘草

錢四

每劑五錢姜水煎服

大調經散

治產後惡露未消寒熱自汗或肚腹作痛

大荳

炒去皮
一兩半

茯神

一兩

真琥珀

一錢

為末每服二錢空心濃煎烏豆紫蘇湯調下

產後瘧疾

郭稽中曰產後乍寒乍熱者多是敗血為害或陰陽不和若槩作瘧疾治之誤矣

陳無擇曰產後寒熱或一二日或二三日一發或先寒後熱或先熱後寒或寒多熱少或寒少熱多或純寒

純熱者皆是瘧疾最難治療可用草果飲生熟飲四
獸飲選而用之

薛氏曰此症當以補胃氣為主佐以草果飲之類若胃
氣稍充以草果飲為主佐以補胃之劑大抵產後瘧
疾因脾胃虛弱飲食停滯或外邪所感或鬱怒傷脾
或暑邪所伏審係飲食用六君子加桔梗蒼朮藿香
如外邪多而飲少用藿香正氣散如外邪少而飲食
多用人參養胃湯勞役所傷用補中益氣湯氣血虛

弱用十全大補加炮薑中氣虛寒用六君加薑桂元
氣脫陷急加附子蓋氣虛則寒血虛則熱胃虛則惡
寒胃氣下陷則寒熱交作或吐瀉不食腹痛煩渴發
熱譫語或手足逆冷寒戰如慄雖見百症但溫補脾
胃其病自退

增損柴胡湯 產後虛熱寒熱如瘧食少腹脹

柴胡 人參 甘草炙 半夏 陳皮 川芎

白芍炒

各等分每帖七錢入薑棗水煎

白茯苓散

產後蓐勞頭目四肢疼痛寒熱如瘧

白茯苓

一兩

當歸

川芎

桂心

白芍

炒

黃芪

炒

人參

各半兩

熟地

四錢

右先以水三盞入猪腎一雙薑棗各三煎至二盞入前藥半兩再煎至一盞許服之

猪腰子粥

產後蓐勞發熱用猪腰子一枚去膜切片

用鹽酒拌先用粳米一合入葱椒煮粥鹽醋和將腰

子鋪在碗底以熱粥傾蓋之如作盒生狀空心服

黃芪建中湯 產後諸虛不足發熱或惡寒腹痛

黃芪

炒一兩

白芍

炒二兩

甘草

炒七錢

肉桂

一兩

每服五錢薑棗水煎日二三服虛甚者須加附子

為要

藿香正氣散 治外感風寒內傷飲食頭痛寒熱或霍

亂泄瀉或作瘧疾

藿香

一錢半

桔梗

炒

大腹皮

紫蘇

半夏曲

茯苓

白芷

陳皮

白朮

炒

厚朴

制各一錢

炙甘草

五分

加薑棗水煎服

人參當歸散

治去血過多內熱短氣頭痛悶亂骨節

作痛或虛煩咽燥有似瘡者

人參

當歸

生地

桂心

麥冬

白芍

酒炒

各等分粳米一合竹葉十片水三鍾煎二鍾納前

藥五錢棗二枚煎至八分服虛甚者用熟地

生生子曰按病机机要云治胎產之病從厥陰經論之
無犯胃氣及上中二焦謂之三禁不可汗不可下不
可利小便發汗者同傷寒下之早証利大便則脉數
而已動於脾利小便則內亡津液胃中枯燥治之方
法能無犯此三禁則營衛自和而寒熱自釋矣

又有惡露不盡或風邪乘虛陷入血室者則晝日清明
夜則譫語寒熱或只發熱如見鬼狀此為熱入血室
用小柴胡湯加生地丹皮或四物加柴胡桃仁

嘔吐腹脹及嘔逆不食

產後腹脹滿悶嘔吐者因敗血散於脾胃不能運化而致宜用抵聖湯治之

薛氏謂若飲食停於脾宜用六君厚朴若飲食傷於胃宜用六君子湯或加砂仁神麴之類大凡損其脾者當節其飲食為善

抵聖湯

赤芍藥 半夏 澤蘭葉 人參 陳皮 炙甘草

錢各一

生薑

焙乾
半兩

水煎極效

胃為水穀之海以養臟府產後胃氣虛弱飲食所傷必致嘔逆不食也治法不過溫養脾胃審其所傷之物而推治之或有陽氣衰微火不生土者八味丸若嘔吐泄瀉手足俱冷或肚腹作痛乃虛寒極矣急用理中湯加附子桂心而甦者

一產婦朝吐痰夜發熱日夜無寐或用清痰降火肌體

日瘦飲食日少前症愈甚詎思早吐痰脾氣虛夜發
熱肝血虛晝夜無寐脾血耗也遂用六君子加逍遙
散歸脾湯以次調補而痊

開胃散 治產後胃虛嘔吐胸滿不食

訶子肉

一兩半

人參

一兩

炙甘草

半兩

每劑五錢薑水煎服

產後胃虛嘔逆

橘紅

一兩

半夏

炙甘草

各半兩

藿香

三兩

每劑五錢薑水煎服

治產後嘔逆不食

白朮

五錢

生薑

六錢

水煎徐徐溫服

石蓮散

產後胃寒咳逆嘔吐不食或腹作脹

石蓮肉

一兩半

茯苓

一兩

丁香

半兩

為末每二錢薑湯或米飲調下日三次

錢氏益黃散

脾土虛寒水反來侮以致嘔吐不食或

肚腹作痛或大便不時手足逆冷等証

陳皮

一兩

青皮

訶子肉

炙甘草

丁香

各二錢

每服四五錢水煎服

人參養胃湯

治外感風寒內傷飲食寒熱頭痛或癢

瘧疾

半夏

厚朴

制

橘紅

各八分

藿香葉

草果

茯苓

人參

各五分

蒼朮

一錢

炙甘草

三分

右薑七片烏梅一箇水煎服

產後喉中氣急喘促

產後喉中氣急喘促因營血暴竭衛氣無主獨聚於肺
名曰孤陽最為難治若因敗血停凝服奪命丹若因
營血暴絕服芎藭湯若因風寒所傷服旋覆花湯因
氣鬱結小調經散若傷飲食服見現丸

薛氏曰若脾胃氣虛用六君桔梗若兼外邪更加紫蘇
中氣虛寒補中益氣加炮薑肉桂若陽氣虛脫更加
附子若瘀血入肺急用二味參蘇飲

一產婦喘促自汗手足俱冷常以手護臍腹此陽氣虛
脫用參附湯四劑而愈

二味參蘇飲 治產後血入於肺面黑發喘欲死

人參

一兩

蘇木

二兩

水煎頓服

旋覆花湯 治傷風寒暑濕喘嗽太盛坐卧不寧

旋覆花 赤芍藥 半夏曲 前胡 甘草

荊芥穗 五味子 茯苓 麻黃 杏仁

各等分每以五錢薑棗水煎服有汗者勿服

五味子湯 治產後喘促脉伏而厥

五味子

杵炒

人參

杏仁

各二錢

麥冬

陳皮

各一錢

右薑三片棗二枚水煎服

芎藭湯

芎藭

當歸

白芍

等分

每五錢水煎服

產後口鼻黑鼻衄

產後口鼻起黑氣及鼻衄者蓋陽明經脉之海起於鼻
交額中還出頰口交人中左之右右之左此產後氣
虛營血散亂胃絕肺敗之症也急取緋線一條并產
婦頂心髮二根緊緊中指節更無可療

薛氏曰按胃脉俠口繞承漿蓋鼻準屬脾土鼻孔屬肺
金誠胃虛肺損氣脫血死之症急用二味參蘇飲加
附子五錢亦有獲生者

產後月水不通

產後乳子周歲而經不行是其常也若半歲而經行此血有餘也若一二歲不行而無疾不必服藥若肢體倦怠食少內熱是血少也宜健脾胃若以藥通之則誤矣

薛氏曰脾胃虛弱用六君子若無鬱火傷脾用歸脾湯加丹皮山梔若怒火傷血宜四物合小柴胡氣血俱虛八珍湯加丹皮

產後四肢浮腫

產後四肢浮腫者乃敗血乘虛流注宜用小調經散陳
無擇云若風邪乘於氣分皮膚腫而浮虛乃氣也若
皮膚腫如熟李乃水也蓋氣腫者宜發汗水腫者宜
利小便

薛氏謂若寒水侮土宜養脾肺若氣虛浮腫宜益脾胃
若水氣浮腫宜補中氣仍參水分血分而治

一產婦飲食少思服消導之劑四肢浮腫乃中氣不足
朝用補中益氣湯夕用六君子而愈後因怒腹脹誤

服沉香化氣丸吐瀉不止飲食不進小便不利肚腹
四肢浮腫用金櫃加減腎氣丸而愈

小調經散

沒藥 琥珀 桂心 芍藥 當歸

各一錢

為末每服五分薑汁溫酒調

大調經散 最治腫滿喘急煩渴小便不利

方具乍寒乍熱卷

治血虛氣腫水腫

澤蘭葉

防已

等分

為末每以二錢溫酒調下或醋湯亦可

金匱加減腎氣丸

治脾腎虛寒腰重脚腫濕飲留積

小便不利或肚腹脹腫四肢浮腫氣喘痰甚或已成水症其效如神

白茯苓

三兩

牛膝

附子

五錢

桂心

車前子

山茱萸

肉

丹皮

山藥

澤瀉

各一兩

熟地黄

四兩

為末煉蜜丸梧子大每服七八十九空心米飲下

產後腹痛瀉利

產後腹痛瀉利因腸胃虛弱寒邪乘襲或水穀不化洞泄腸鳴或手足逆冷用調中湯治之陳無擇謂若六淫七情而致者當隨所感而治之若胸膈飽脹或惡食吞酸此飲食停滯用六君枳實山查以消導若食既消而仍痛更或頭痛熱渴惡寒欲嘔此中氣被傷用補中益氣半夏茯苓以益脾胃

調中湯

良薑 當歸 桂心 芍藥 附子 炮 川芎 各一

甘草 炒五錢

每服五錢水煎

五味子散 產後泄瀉或腎泄在五更侵晨作瀉飲食不進或大便不實登廁無時

五味子 炒三兩 吳茱萸 炒五錢

共為末每以二錢白湯調下為丸尤妙

四神丸 治脾腎虛弱侵晨五更作瀉或全不思食或

食而不化大便不實

破故紙

炒四兩

肉苁蓉

二兩生用

五味子

二兩

吳茱萸

炒四兩

為末用大紅棗四十九枚生薑四兩以水共煮爛

去薑以棗肉和藥搗為丸梧子大空心鹽湯下

二神丸 治同即前四神丸減去五味子吳茱萸

產後赤白痢

產後痢疾因飲食六淫七情傷於脾胃或滲大腸皆為

難治若飲食不進謂之虛痢氣宇不順謂之氣痢寒熱溫涼升降調補各隨所宜而施治之 白屬氣分而赤屬血分也若米食所傷用六君加穀蘖若麵食所傷加麥蘖若肉食所傷加山查神曲凡兼嘔吐俱加藿香若兼噯酸或嘔吐用前藥送越鞠丸若肝木尅脾土用六君加柴胡炮薑若寒水反來侮土用錢氏益黃散若久瀉或元氣下陷兼補中益氣湯以升發陽氣若瀉痢色黃乃脾土真色宜加木香肉苳蔻

若屬脾土虛寒六君加木香薑桂若脾腎虛寒用補中益氣湯及四神丸若下元虛寒用八味丸以補土母若以小便澀滯肢體漸腫或兼喘咳用金櫃腎氣丸以補脾腎利水道若胃氣虛弱而四肢浮腫須補胃為主若久而不愈是氣虧損也必用四神丸六味丸八味丸三方以補足三陰若用分利導水之劑是虛其虛也

產後痢疾作渴者乃內亡津液或胃氣虛不生津液但

止其渴其痢自瘥 若渴而不喜冷飲屬胃氣虛故
無津液宜用七味白朮散或錢氏白朮散如夜間發
熱口渴屬腎氣虛而不能潤用六味九並佐以益氣
湯以滋化源

一產婦瀉痢發熱作渴吐痰肌體消瘦飲食少思或胸
膈痞滿或小腹脹墜年餘矣乃脾腎之瀉朝用二神
丸夕用六君子三月餘而瘥

一產婦患前症形體倦怠飲食不進與死為鄰此脾胃

俱虛也用四神九十全大補湯而愈

產後大便秘澁

產後大便秘澁因腸胃虛弱津液不足若小腹悶脹宜服麻仁丸潤之若用寒藥則促其危矣

薛氏曰若計其日期飲食數多即用藥通之禍在反掌之間必待腹滿覺脹欲去不能者乃結在直腸宜用猪胆汁導而潤之若服苦寒疏通反傷中氣通而不止或成痞症若去血過多宜用十全大補血虛火燥

用加味四物氣血兩虛用八珍湯雖數日不通飲食如常腹中如故仍用八珍加杏仁桃仁治之若泥其日期飲食而強通之則誤矣

一產婦大便七日不通飲食如常腹中如故此腹未滿也用八珍加桃杏仁至二十一日腹滿欲行用猪胆汁潤去而安

一婦大便秘澁諸藥不應苦不可言飲人乳而安

麻仁丸

大麻仁

研如泥

枳殼

人參

各四兩

大黃

二分

右為末入麻仁煉蜜丸如梧子大每服二十九空心溫酒下未通漸加不可過服

阿膠枳殼丸 治產後大便秘澀以阿膠枳殼二味等分為末蜜丸梧子大滑石末為衣白湯送下二十九未行再服

產後大小便不通

良方曰此因腸胃虛弱津液枯竭故也

宜參前秘結門詳治

一產婦大小便不通諸藥不應將危矣令飲牛乳一日
稍通三日而痊人乳尤善

桃花散 治膀胱氣滯血澁大小便秘

桃仁 葵子 滑石 檳榔

各等分為末每以三錢空心葱白煎湯調下

產後遺糞

良方取故燕窠中草燒為末或枯礬牡蠣或白斂芍藥
各等分為末俱用酒調服或用固腸亦可

薛氏曰若脾腎虛弱用還少丹仍以補中益氣湯為主
虛寒加肉苁蓉補骨脂或四神丸若脾腎虛寒無八
味丸仍佐前二方

一產婦小便出糞名大小腸交乃氣血俱虛失行常道
先用六君子湯二劑又用五苓散一劑而痊循常腸
交亦可倣治

還少丹 治脾腎虛寒飲食少思發熱盜汗遺精白濁
又治真氣虧損肌體瘦弱等症

肉蓯蓉

遠志

去心

茴香

巴戟

山藥

牛膝

熟地

枸杞子

石菖蒲

山茱萸

肉

楮寔子

五味子

杜仲

去皮
薑炒

白茯苓

各二
兩

各另為末棗肉百枚加煉蜜為丸如梧子大每服
五七十九空心酒下

產後諸淋

良方謂乃熱客於脬虛則頻數熱則澀痛氣虛兼熱血
入胞中則血隨小便出而為血淋也

薛氏曰若膀胱虛熱用六味丸若陰虛而陽無以化用
滋陰腎氣丸蓋土生金金生水當滋化源也與小便
淋瀝頻數卷泰治

滑石散治熱淋

滑石

五分

通草

車前子

葵子

各四分

右為細末漿水調服

治小腸有熱小便澀痛或為血淋

瞿麥

黃芩

冬葵子

各二兩

通草

二兩

大棗

十二枚

右水六升煎二升半分二服

治脾氣不利小便不通

橘紅為末以二錢空心溫酒下

治肺氣不利小便不通

杏仁

十四枚

去皮尖炒食之

治脬轉小便不利

滑石

一錢半

寒水石

一錢

煎服

一產婦小水淋瀝或時自出用分利降火之劑二年不愈此肺腎氣虛用補中益氣湯六味地黃丸而痊凡產婦小便頻數者乃氣虛不能制故也

小便不禁

廣濟方治產后小便不禁用雞毛燒灰千金翼用白薇芍藥為末俱用溫酒下日三服或桑螵蛸半兩龍骨一兩為末每二錢粥飲調下

薛氏謂若脾肺氣虛用補中益氣湯若肝腎陰虛六味地黃丸若肝腎虛寒用八味丸

補脬飲 治胞破小便淋瀝

生絹

黃色者一尺

白牡丹

用根皮

白芨

各一錢

水一碗煎至絹爛溫服服後忌言語否則無功

雞內金散 治氣虛溺床用雄雞肫脰并腸燒為末以

溫酒調下

產後小便出血

此因虛熱血滲於腠也以亂髮洗淨燒為末米飲調服
或滑石末一錢生地黄汁調下

一產婦尿血面黃脇脹少食此肝木乘脾土也用加味
逍遙補中益氣兼服而愈後為懷抱不禁食少體倦
驚悸無寐便血復出用加味歸脾湯二十餘劑將愈
惑于衆論服犀角地黄湯諸症復作仍守前湯而愈
產後陰脫玉門不開

此因坐產努力舉動房勞所致或脫肛陰挺逼迫腫痛

小便淋瀝

薛氏謂氣血虛弱宜用十全大補湯若腫脹焮痛肝經虛熱也加味逍遙散若憂怒肝脾氣血傷也加味歸脾湯若暴怒肝火血傷也龍胆瀉肝散

一產婦玉門不閉發熱惡寒用十全大補湯加五味子數劑而寒熱退用補中益氣加五味子數劑而玉門閉矣

硫黃散 產後陽氣虛寒

硫黃 烏賊魚骨

五味子

各半兩

為末摻患處

一方蛇床子

升炒熱帛包熨患處

亦治陰腫

產後乳少或止

乳汁乃氣血所化若元氣虛弱則乳汁短少初產乳房
焮脹此乳未通若暴怒乳出肝經風熱若累產無乳
此內亡津液蓋乳汁資於衝任若婦人疾在衝任乳
少而色黃生子則怯弱而多疾

薛氏云此氣血虛弱而不能化生宜壯脾胃怒動肝胆而乳腫汁出宜清肝火屢產無乳或大便澁滯當滋化源氣血旺則乳汁溢

一產婦因乳少服藥通之致乳房腫脹發熱作渴此氣血虛以玉露散補之而愈

湧泉散 能通乳

王不留行 麥門冬 瞿麥 龍骨

各二錢

右用猪蹄汁一碗酒一杯煎服良久以木梳于乳

房上梳下忌薑椒辛辣

玉露散 乳脉不通身體壯熱頭目昏痛大便澀滯

人參 茯苓 桔梗 炒

芍藥 各一錢

甘草 炙六分

右咬咀水煎服愈

凡未產而乳先出謂之乳泣生子多不育

產婦氣血方盛乳房作脹或無兒飲因而脹痛增寒發

熱用麥芽二三兩炒熟水煎服之立消

一產婦勞役或乳汁來如湧泉昏昧吐痰此陽氣虛而

厥也灌以獨參湯而甦更以十全大補湯數劑而安矣

一婦乳頭裂破以秋茄子裂開者陰乾燒存性為末水調塗之而愈

婦人繭唇

內經曰脾氣開於口又曰脾之榮在唇蓋燥則乾熱則裂風則瞶寒則揭若腫起白皮皴裂如蠶繭名曰繭唇有腫重出如繭者有本細末大如繭如瘤者其因

或胎產經行而陰血損或七情動火而榮血虧或心
火傳授脾經或厚味積熱傷脾大要審本症察兼症
補腎水生脾血則燥自潤火自除風自息腫自消若
患者忽略治者不察內用清熱消毒之藥外用追蝕
線結之法反為敗症慎哉

一婦懷抱久鬱或時胃口嘈辣胸膈不利月水不調晡
熱食少體倦唇腫已年餘矣此脾經鬱火傷血用歸
脾湯加薑汁炒黃連山梔少佐吳茱萸嘈辣頓去飲

食少進乃去黃連加貝母遠志胸膈通利飲食如常
又用加味逍遙散歸脾湯間服百餘劑月水調而唇
瘡愈

一婦月經不調兩足發熱至年餘而身亦熱勞則足腿
痠疼又年餘唇腫裂痛又半年唇裂出血形體瘦倦
飲食無味月水不通唇下腫如黑棗此肝脾血虛火
症也彼不信用通經藥而歿

一婦口苦脇脹此肝火之症也用小柴胡加山梔黃連

少愈更以四君子加芍藥當歸柴胡調補脾胃而痊
一婦每怒口苦發熱晡熱此肝火盛而血傷也以小柴
胡合四物二劑以清火而生血更以四物加柴胡白
朮茯苓丹皮生血健脾而安

一婦因怒齒痛寒熱作嘔用清胃等藥益甚乃肝火傷
胃寒涼復傷故也用六君子加芍藥柴胡山梔而安
一婦胃中嘈辣甚則熱痛後患齒痛此胃中痰火也以
二陳加苓連吞越鞠丸而瘳

一婦因怒牙疼寒熱此肝火侮脾土用小柴胡加芎歸
苓朮山梔而疼痛止用加味逍遙散而寒熱退

清胃散

治醇酒厚味唇齒作痛或齒齲潰爛或連頭

面頤項作痛

黃連

炒一錢半

川歸

生地

丹皮

各一錢

升麻

二錢

右水煎服如寔熱便秘加大黃

加味清胃散

即前方加犀角甘草連翹

涼膈散

治積熱煩渴面赤內熱頭昏咽痛便溺赤澀

狂言譫語睡卧不安

大黃

朴硝

各一錢

甘草

一錢

連翹

二錢

梔子

黃芩

薄荷

各一錢

水煎服

補黃散

治脾胃虛熱口舌生瘡畏冷飲食

人參

白朮

炒各一錢

白芍

炒

陳皮

甘草

炙各五分

右薑棗水煎服

四順清涼飲

加山梔大力子名加味清涼飲

治臟

腑實熱秘結口舌生瘡

當歸 赤芍

甘草

大黃

各一錢

右水煎服

人參安胃散

治服峻劑損脾胃口舌生瘡

人參

茯苓

各一錢

黃芪

炒二錢

生甘草

炙甘草

黃連

炒各五分

白芍

七分

水煎服

溫中丸

一名人參理中丸

治中氣虛熱口舌生瘡

不喜飲冷肢體倦怠少思飲食

人參

炙甘草

白朮

炒各等分

為末薑汁糊為丸梧子大每服五十九白湯送下

柳華散

治熱毒口瘡

黃柏

炒

蒲黃

青黛

人中白

煨

右等分為細末敷之

四物湯

治血熱口舌生瘡或牙齦腫潰發熱煩躁不

安

加味四物湯 即四物加丹皮柴胡山梔

四物二連湯 治血熱口舌生瘡或夜發寒熱

當歸 熟地 白芍炒 川芎 胡黃連 川連各炒


錢一

水煎服之

甘桔湯 治咽喉腫痛

甘草六錢 苦梗二錢

右水煎服



赤水元珠卷二十三

欽定四庫全書

子部

赤水元珠卷二十四

詳校官太醫院恩糧臣孔毓秀

編修臣倉聖脈覆勘

總校官編修臣王燕緒

校對官助教臣卞惟吉

謄錄監生臣謝蓮鶚

欽定四庫全書

赤水元珠卷二十四

明 孫一奎 撰

耳

立齋曰耳瘡屬手少陽三焦及足厥陰肝經血虛風熱
或怒動肝火而致若發熱燋痛屬三焦厥陰風熱用
柴胡清肝散若寒熱作痛或作嘔吐乃肝火傷脾用
益脾清肝散若口乾足熱為肝腎陰虛用益陰腎氣

九若月經先期為血熱用加味道遙散過期為血虛用八珍湯食少體倦為鬱火加味歸脾湯惡寒發熱肢體倦怠為氣血俱虛用十全大補湯慎不可專治其外復傷氣血也

一婦耳內外腫痛胸膈不利寒熱往來小便不調此肝火傷血先用龍胆瀉肝湯四劑諸症頓退又用加味道遙散而痊又因怒復作用柴胡而安

一寡婦耳內外作痛不時寒熱脉上魚際此血盛之症

用小柴胡加生地以抑其血而愈又項間結核如貫珠寒熱晡熱用加味歸脾湯加味道遙散調補肝脾而愈

一女子耳下腫赤寒熱口苦月經不調小腹內結一塊此肝火氣滯而血凝也先用小柴胡加山梔川芎丹皮又用柴胡清肝散而痊

小柴胡湯 治肝胆經症寒熱往來晡熱潮熱身熱默默不欲飲食或怒火口苦耳聾咳嗽發熱脇下作痛

甚者轉側不便兩脇痞悶或瀉痢咳嗽或吐酸食苦
水皆用此藥主之

柴胡

錢二

黃芩

錢炒一

人參

半夏

各七分

炙甘草

五分

薑三片水煎服

加味小柴胡湯

治肝胆經風熱前後腫痛或結核癰

痛或寒熱晡熱或經候不調等症

即前小柴胡湯加山梔丹皮

益脾清肝散

治肝經之症寒熱體痛脾胃虛弱

人參

白朮

炒

茯苓

各一錢

炙甘草

柴胡

各五分

川芎

川歸

黃芪

各一錢

丹皮

七分

水煎服

梔子清肝散

治三焦及肝胆經風熱耳內作痒或生

瘡出水或脇肋胸乳作痛寒熱往來

柴胡

山梔

炒

丹皮

各一錢

茯苓

川芎

芍藥

當歸

牛旁子

炒各七分

白朮

炒

甘草

各五分

水煎服

柴胡清肝散 治肝胆三焦風熱怒火以致項胸作痛

或頭目不清或耳前後腫痛或寒熱體痛

柴胡 黃芩 炒 甘草 各五分 人參 山梔 炒

川芎 各一錢 連翹 桔梗 各八分

水煎服

犀角地黄湯 治上焦有熱口舌生瘡發熱或血妄行

或吐血或下血

犀角 生地 白芍藥 黃芩 牡丹皮 黃連

炒各一錢

水煎服 因怒而患者加柴胡山梔

犀角升麻湯 治陽明經風熱牙疼或唇頰腫痛或手足少陽經風熱連耳作痛

犀角 升麻 防風 羌活 白附子

各一錢

五分

川芎 白芷 黃芩 甘草

炒各七分

五分

水煎服

當歸川芎散 治手足少陽經血虛瘡症或風熱耳內

痒痛生瘡出水或頭目不清寒熱少食或經水不調

胸膈不利腹脇痞痛小便不調

當歸 川芎 柴胡 白朮 芍藥 山梔

炒一錢二分

丹皮

茯苓

各八分

蔓荊子

甘草

各五分

水煎服

雜方

加味地黃丸 治肝腎陰虛諸症或耳內痒痛出水或

眼昏痰喘或熱渴便澁等症

乾山藥 山茱萸 牡丹皮 澤瀉 柴胡

白茯苓 熟地黃 生地 五味子

各等分
為末

右將煉蜜為丸梧子大每服百丸空心白湯下如
不應用加減八味丸

人參養榮湯 治潰瘍寒熱四肢倦怠體瘦少食面黃

氣短不能收斂大瘡愈後多服之庶不變他症也

白芍藥 一錢五分 人參 陳皮 黃芪 炒 桂心

川歸 白朮

炒

炙甘草

各一錢

熟地

五味

炒

茯苓

各七分

遠志

去心炒五分

入薑棗水煎服

瀉青丸

治肝經實火脇乳作痛或惡寒發熱大便秘

結

川歸

龍胆草

炒焦

川芎

山梔

炒

大黃

炒

羌活

防風

各等分

右為末蜜丸梧子大每服三四丸白湯下 若陰

血不足肝火血燥用四物加山梔柴胡或逍遙散
加丹皮山梔 若腎水虧損不能生肝木而筋攣
結核或肢節攣搐或似中風延痰上湧用六味丸
料煎服

生地黃丸 治師尼寡婦室女乍寒乍熱或頸間結核
肝脉弦長直出魚際

生地 秦艽 黃芩 硬柴胡 各五分 赤芍藥 一兩

右煉蜜為丸梧子大每服三十九烏梅湯下

連翹飲子 治肝胆經氣滯癰癰結核或乳內結核者

連翹 川芎 瓜蒌仁 橘葉 皂角刺炒 青皮

甘草節 桃仁各一錢

水煎服

散腫潰堅湯 治癰癰堅硬氣血無虧者

升麻 連翹 川歸尾 白芍 葛根 三稜酒拌微炒

廣木各三分 龍胆草 桔梗炒 昆布 知母酒炒 瓜蒌

仁各五分 柴胡四分 黃芩酒炒五分 炙甘草二分

右水煎服

必效散 治瘰癧未成者消已潰者斂須元氣無虧者
可服孕婦勿服

南蓬砂

二錢半

輕粉 一錢

斑猫

四十枚去頭足同糯米炒去米

麝香

五分

巴豆

五粒去殼心膜

白檳榔

一枚

右為末每服一錢五更用滾湯調下如小水滯
或微疼此瘰癧毒欲下也進益元散一服即下此
方斑猫巴豆似為峻厲然用巴豆乃解斑猫巴豆

用者勿畏也

益元散

滑石

飛六錢

甘草一錢

各為末每服一二錢白湯調下

琥珀膏

治頸項或腋下初結小核漸如連珠潰而膿

水不絕或漏症者

琥珀

一兩

丁香

桂心

硃砂

木香

松香

俱為末

白芷

防風

當歸

木通

木鼈子肉

各五錢

麻油

二斤

將后五味入油煎熬藥焦濾去渣徐徐入黃丹再熬軟硬得所入前末藥即成膏矣

針頭散 治一切頑瘡內有瘀肉或癰核不化瘡口不合宜此藥腐之

赤石脂

五錢

乳香

白丁香

砒霜

生用

黃丹

各一錢

輕粉

麝香

各五錢

蜈蚣

一條

為末搽瘡肉上其肉自化若瘡口小用糊和作細條陰乾紐之凡瘡久不合者內有膿管必須用之

結核方論

婦人結核皆因鬱怒虧損肝脾或因胎產經行失於調護或因暴怒觸動肝火若結於項側耳前後或胸脇腫痛或發寒熱屬胆經風熱怒火宜用柴胡清肝散加鈎藤山梔以養血氣清肝火若結于肉理其色不變晡熱內熱屬肝火血虛宜加味逍遙散加龍胆草以養肝血清肝火或結于肢節或累累如貫珠其色不變亦肝火血燥而筋攣宜用柴芍參苓散加鈎藤

以養血氣佐以六味丸以生腎水若時消時作此氣
滯而痰結也用歸脾六君二湯以調和脾肺之氣並
佐以海藻丸若潰而核不腐或肉不生或膿水清稀
肌寒肉冷自汗盜汗寒熱內熱面色痿黃食少體倦
便利不調者五臟皆虛也但用補中益氣加味六君
子二湯調補脾胃以滋諸臟則各症自退故經云形
傷則痛氣傷則腫慎不可輕用行氣破血而復傷也
一婦項結核寒熱頭痛脇脹乳痛內熱口苦小便頻數

屬肝火血虛用加味四物而愈又用加味道遙散調
補肝脾而安

一婦耳內耳後項側結核作痛寒熱口苦月經不調此
肝胆經火而傷脾胃也用四君柴胡丹皮及六味丸
而愈

一婦項患五核時常寒熱肝脉弦長而出寸口此血盛
無偶之症也用小柴胡湯加生地烏梅而愈

加味道遙散 治肝脾血虛有熱遍身搔痒或口燥咽

乾發熱盜汗食少嗜卧小便澁滯等症又治瘰癧流
注虛熱等瘡

炙甘草

當歸

炒芍藥

酒炒

茯苓

白朮

炒各一錢

柴胡

牡丹皮

山梔

炒五分

水煎服

逍遙散

即前方減丹皮山梔

歸脾湯

治脾經失血少寐發熱盜汗或思慮傷脾不

能攝血以致妄行或健忘怔忡驚悸不寐或心脾傷

痛嗜卧少食或憂思傷脾血虛發熱或肢體作痛大便不調或經候不准晡熱內熱或瘰癧流注不能消散潰斂

人參 白朮炒 黃芪炒 茯苓 當歸 遠志 酸棗

仁炒各一錢 木香 炙甘草各五分 龍眼肉三枚

薑棗水煎服

加味歸脾湯 即前方加山梔柴胡

柴朮參苓湯 治肝火血熱遍身搔痒或起赤暈或筋

癰結核

白朮

人參

茯苓

錢各一

柴胡

川芎

山梔

炒

芍藥

炒

甘草

炒各五分

熟地

當歸

各八分

水煎服

柴芍參苓散

治肝胆經部分結核瘰癧瘤瘕等症或

肝血燥脾氣虛弱發熱少食

柴胡

芍藥

炒

人參

茯苓

白朮

炒

山梔

炒

陳皮

當歸

錢各一

丹皮

甘草

各五分

薑棗水煎服

清肝益榮湯 治肝胆經風熱血燥筋攣結核或作瘕

子

柴胡 薏苡仁 茯苓 木瓜 熟地各一錢 山梔

龍胆草 白朮

炒各五分

川芎

川歸

芍藥

炒各一錢

甘草 三分

水煎服

清熱涼血飲 治風熱血燥丹毒等証大便秘結

當歸 川芎

大黃炒 芍藥炒 生地各一錢

水煎服

神效開核散 消癰塊甚效

沉香 木香

各二錢

橘紅四兩

珍珠

四十九粒入罐封固煅赤存性出火

毒

豬鬃子

四十九枚豚猪生項間如棗子大

為末每服一錢臨卧酒調徐徐嚥下輕者三五服重者十服可愈切忌酸醎油膩滯氣之物須用除

日于靜室修合

海藻散堅丸 治肝經癭瘤

海藻

昆布

各二兩

小麥

四兩醋煮晒乾

柴胡

二兩 龍胆

酒拌炒焦二兩

為末蜜丸梧子大每服三十九臨卧白湯送下噲

化嚙之尤妙 凡患瘰癧服調治之藥未應宜佐

以前二藥

益氣養榮湯 懷抱抑鬱癰癰流注或四肢患腫肉色

不變或日晡發熱或潰而不斂

人參 茯苓 陳皮 貝母 香附 川歸 川芎

黃芪

鹽水拌炒

熟地

芍藥

炒各一錢

炙甘草

桔梗

炒各五分

白朮

炒二錢

入薑水煎服

木香餅

治氣滯結腫閃肭風寒所傷作痛

木香

為末五錢

生地

一兩

搗地黃膏和勻量患大小作餅子置患處以熱熨

斗熨之腫痛悉退

當歸飲

治熱血癰疹痒痛膿水淋漓發熱等症

當歸 白芍藥 川芎 生地 白蒺藜炒 黃芪各一錢

防風 荊芥 何首烏忌鐵 甘草各五分

水煎服

赤白遊風

婦人赤白遊風屬肝經鬱火血燥生風或脾經鬱結血虛生熱或腠理不密風邪外襲其症或疙瘩癢痒或膿水淋漓白屬氣而赤屬血因得風而遊行也若肝經血燥用柴胡清肝散肝經怒火用梔子清肝散肝

經血熱用加味四物湯肝火血虛六味九脾經鬱熱
加味歸脾湯肝脾血虛風熱加味逍遙散若因風邪
鬱熱所致用荆防敗毒散或專用祛風之劑肝血愈
燥則血隨火化反為敗症矣

一婦身如丹毒搔破膿水淋漓熱渴頭暈晡時益甚用
加味道遙散而愈

一女赤暈如霞作痒發熱用加味小柴胡加生地連翹
丹皮而愈 大凡女子天癸未至婦人月經不調受

驚着惱多有此症

消風散

治風寒癰疹痒痛或膿水淋漓頭皮腫痒

荊芥穗

炙甘草

陳皮

人參

茯苓

白僵蠶

炒

防風

芎藭

藿香

羌活

蟬蛻

各一錢

厚朴

薑制

五分

水煎服

大連翹飲

治風熱熱毒赤白遊風表裏皆受患者

連翹

瞿麥

荊芥

木通

蟬蛻

甘草

赤芍

防風 柴胡 滑石 山梔炒 黃芩炒 川歸一錢

水煎服

婦人疝症

一名便癰
俗名痞子

一名便毒

婦人疝症或肝經濕熱下注或鬱怒傷損脾肝其外症
或拘小腹腫痛或玉門焮腫作痛或寒熱往來增寒
壯熱其內症或小便澀滯或腹內急痛或小腹痞悶
或上攻兩脇或晡熱重墜若兩拘小腹腫痛肝經濕
熱壅滯也用龍胆瀉肝湯玉門腫脹肝火血虛也用

加味逍遙散及龍胆瀉肝湯加木香若緊投散血攻毒之劑則誤甚矣

一婦人胸中赤腫脹痛此膿內作用托裏消毒散加此數劑潰而膿清寒熱乃氣血復虛用托裏散而寒熱止用十全大補湯百餘劑而斂

一婦人腹中腫痛寒熱口苦或時帶下此肝經濕熱不利也用龍胆瀉肝湯而腫痛消用加味逍遙散而寒熱退

一婦人腹拘腫痛小水不利時或胸乳作痛脇腹作脹
此肝火氣滯用四物柴胡青皮玄胡木香而愈

一婦人兩拘腫痛腹內一塊不時上攻月經不調小便
不利余以為肝脾氣滯而血傷以四君子加芎歸柴
胡山梔而愈後因鬱怒前症復作兼胸滿腹脹盜汗
此肝木甚而傷脾土也用加味歸脾湯下蘆薈丸而
痊

一婦人陰中如梗兩拘腫痛寒熱不食小便頻數小腹

重墜余以為肝脾鬱怒所致先以補中益氣加茯苓
山梔車前子青皮以清肝火升脾氣更以加味歸脾
湯調理脾鬱而愈

龍胆瀉肝湯 治肝經濕熱兩拘腫痛或腹中疼痛或

小水澀滯等症

龍胆草

酒拌炒黃

澤瀉

各一錢

車前子

炒

生地黃

酒拌

木通

山梔

炒

黃芩

各五

甘草

分

右水煎服

九味柴胡湯 治肝經濕熱下注便毒腫痛或小腹脇

肋結核凡肝胆經部分一切瘡瘍或風熱結核瘰癧

柴胡

黃芩

炒各一錢

人參

山梔

炒

半夏

龍胆草

炒焦

川歸

芍藥

炒甘草

各五分

右水煎服

蘆薈丸

治肝氣不和尅侮脾胃而患諸症或三焦肝

胆經風熱目生雲翳或疳熱瘰癧耳內生瘡寒熱作

痛肌體消瘦發熱作渴飲食少思肚腹不調或牙齦

蝕落頰腮腐爛下部生瘡等症

蘆薈

五錢

胡黃連

當歸

芍藥

炒

龍胆草

酒浸炒焦

川芎

蕪荑

各一兩

木香

甘草

炒各三錢

右為末用米糊丸麻子大每服五十九滾湯下

鶴膝風

婦人鶴膝風症因胎產經行失調或鬱怒虧損肝脾而為外邪所傷或先腿脚牽痛先或肢體筋攣既而膝漸大腿漸細如鶴膝之狀而名之也若高腫赤痛者

易治若漫腫不赤痛者難治二三月潰而膿稠者易
治半載後潰而膿清者難治設先攻伐虧損元氣尤
為難治也大要當固元氣為主而佐以大防風湯若
食少體倦者六君子湯為主晡熱內熱者逍遙散為
主寒熱往來者八珍湯發熱惡寒者十全大補湯不
寐而驚悸者歸脾湯月經過期者補中益氣為主月
經先期者加味逍遙散為主凡潰後當大補脾胃若
膿出反痛或寒熱煩渴等症皆屬氣血虧損一切主

予補培庶保終吉

一婦患鶴膝兩拘中腿股筋牽作痛內熱寒熱此肝火
氣滯之症先用加味小柴胡湯四劑後以加味道遙
為主佐以大方風湯而消又患痢後兩膝腫痛寒熱
往來用十全大補湯為主佐以大方風湯而全消
大方風湯 治陰虛邪襲腿膝腫痛等症

防風

附子

炮

牛膝

白朮

炒

羌活

人參

各一

錢

川芎

一錢

桂心

黃芪

炒

各一

錢

芍藥

炒

杜仲

薑製

各一

錢

甘草 五分 熟地 一錢半

水煎服

黑九子

一名和風定痛丸

治跌撲墮筋骨疼痛或瘀血壅

腫或外感風寒肢體作痛若流注膝風初結服之自消若潰而膿清與補氣血藥自斂孕婦勿服

百草霜

白芍

各一兩

南星

川烏

各炮三錢

白薇

赤

小豆

各二兩半

白芨

川歸

骨碎補

炒各八錢

牛膝

六錢

右為末酒糊丸桐子大每服三十九鹽湯溫酒送

下

聖愈湯 治血虛心煩睡卧不寧或五心發熱

熟地黄 生地黄 黃芪炒 人參 川芎 川歸各一

錢

水煎服

八味丸 治火衰不能生土以致脾胃虛寒而患流注
鶴膝等症不能消潰收斂或飲食少思或食而不化
或臍腹疼痛夜多漩溺益火之原以消陰翳即此方
也

熟地黄

自製乃佳
八兩

山茱萸肉

山藥各四兩

茯苓

牡

丹皮

澤瀉

各三兩

桂心

去粗皮能補腎而引
虛火下行歸原一兩

大附子

用一兩五錢重者切四塊用童便
浸數日火煨切看無白星為度

右為末蜜丸桐子大每服七八十九滾湯下

婦人足跟瘡腫

足跟足指腫痛足心發熱者皆因胎產經行失于調攝
虧損足三陰經虛熱所致若腫痛或出膿用六味丸
為主佐以八珍湯胃虛懶食佐以六君子湯寒熱內

熱佐以逍遙散晡熱益甚頭目不清佐以補中益氣湯痰盛作渴或口舌生瘡亦用前二藥以滋化源大凡發熱內熱晡熱自汗盜汗等症皆因虛假熱也故丹溪謂火起九泉陰虛之極也蓋足跟乃督脉發源之所腎一經所過之地若不求其屬而泛用寒涼則悞甚矣然俗謂為兔嚙瘡者蓋獵人被兔咬足跟久而不斂氣血瀝盡其人必死男子酒色過度者亦多患此症

一婦兩足發熱足跟作痛日晡熱甚此腎肝血虛用逍
遙散六味丸五十餘劑諸症悉退

六味丸 此壯水制火之劑治腎虛發熱作渴小便淋
秘痰壅失瘖咳嗽吐血頭目暈眩眼花耳聾咽喉燥
痛口舌瘡裂齒不堅固腰腿痿軟五臟虧損自汗盜
汗便血諸血凡肝經不足之症尤當用之蓋水能生
木故也此水泛為痰之聖藥血虛發熱之神劑又治
肝腎精血不足虛熱不能起床即仲景八味丸去附

子桂心

肺癰

婦人肺癰因外內蘊熱或七情鬱火誤行汗下重亡津液以致肺氣受傷而惡風咳嗽鼻塞項強胸脇脹滿呼吸不利吐痰臭濁膿血腥穢若咳嗽喘急寒邪在表也小青龍湯咳嗽胸脹寒邪內壅也葶藶大棗瀉肺湯脇脹咳嗽腥臭膿已成也桔梗湯咳嗽短氣或小便短少肺氣虛也佐以參芪補肺湯體倦少食或

喘嗽短氣脾肺虛也佐以參朮補脾湯作渴飲冷午
前嗽甚胃火盛也竹葉石膏湯作渴內熱午後嗽甚
陰血虛也六味丸四物湯口乾飲湯體倦少食胃氣
虛也補中益氣湯加五味麥冬口乾內熱咳嗽痰涎
腎水虛也六味丸益氣湯黃昏熱或嗽甚陰火熾也
六味丸四物湯加五味麥冬五更嗽或痰甚脾肺虛
也六君子湯嗽而不得眠及兩脇疼肝火血虛也六
味丸益氣湯大凡前症因外淫所侵當祛邪而實上

因心火太過當伐木而補金若肺氣虛弱當補脾土而生肺金若陰火上炎當補脾肺以滋腎水然而發熱喘嗽咳唾膿血飲食不入皆脾土不能生肺金肺金不能生腎水之敗症苟能純補脾土而生諸臟多有復生者若用寒涼脾胃復傷則肺金失養腎水益涸虛火上炎薰蒸于肺吾未見其能生之者其唾膿血脈浮大面色赤者俱難治若陰火妄動或勞嗽吐膿血者尤難治若膿自止脈浮短濇及始萌者易治

一婦素血氣發熱咳嗽服痰火之劑後吐膿血面赤脉數其勢甚危此膿成而氣血虛也用八珍湯補元氣桔梗湯治肺癰而愈

青龍湯 肺受風邪咳嗽喘急

半夏

乾薑

細辛

麻黃

去根節

肉桂

芍藥

炙

甘草

各一錢

五味子

炒五分

大附子

炮五分

水煎服

葶藶大棗瀉肺湯

治肺癰胸膈脹滿上氣喘急或身

面浮腫鼻塞聲重用葶藶炒黃研末每服三錢先用棗十枚水煎入藥再煎食後服

桔梗湯 治肺癰咳而胸膈隱痛胸次腫滿咽乾口燥煩悶作渴濁唾腥臭

桔梗 枳殼 苡仁 桑皮各炒 當歸 貝母 瓜

萸仁 甘草節 防己去皮各一錢 黃芪鹽水炒 百合蒸各一錢半

五味子炒 甜葶藶炒 地骨皮 知母 杏仁各五分

薑水煎服

人參補肺湯

治肺癰腎水不足虛火上炎咳唾膿血

發熱作渴小便不調

人參

黃芪炒

白朮

茯苓

陳皮

川歸

各一錢

山茱萸

山藥

各二錢

五味子

麥冬

炙甘草

各七分

丹皮一錢

熟地

一錢半

薑水煎服

參芪補脾湯

治肺症因脾氣虛弱咳唾膿涎中滿不

食宜兼服此藥以補脾土生肺金

人參 白朮

錢各二

黃芪

錢灸二半

茯苓

川歸

陳皮

各一

錢升麻

三分

五味子

四分

炙甘草

薑水煎服

人參平肺散 治心火尅肺金患肺痿咳嗽喘嘔痰涎

壅盛胸膈痞滿咽嗑不利

方見嗽門

腸癰

婦人腸癰因經行產後瘀血或七情飲食所致其証小便如淋發熱惡風身皮甲錯腹皮腫急按之軟如腫

狀或腹脹大轉側有水聲或繞臍生瘡或大便出膿其脉遲緊者膿未成用活命飲以解其毒脉滑數者膿已成用雲母膏以下其膿若二年間遍身微腫大便與臍出膿此息積之症也多致不救內經云腸癰為病不可驚驚則腸斷而死其坐卧轉側宜徐緩時常少飲稀粥靜養調理庶可保生

一婦人小腹腫痛小便如淋此毒結于內用神效瓜萋散二劑少愈又以薏仁湯二劑乃痊

一婦小腹痛而有塊脉芤而瀉此瘀血為患以四物加
玄胡索紅花桃仁牛膝木香二劑血下而愈

一婦小腹脹痛大便秘瀉轉側有水聲脉洪數用薏苡
梅仁湯一帖下去瘀血諸症頓退以薏苡仁湯二帖
而瘥

一婦小腹脹痛小便不利脉滑數此膿已成服太乙膏
五錢膿大下脹痛悉退以瓜蒌散蠟礬丸托裏藥而
安

一婦因經水多服藥止之致腹作痛以失笑散二帖而
瘳又用加味逍遙散數劑而經調

一產婦惡露停滯小腹作痛服瓜仁湯下瘀血而痊凡
瘀血停滯急宜行之緩則腐化為膿最為難治若流
注關節則患骨疽多為敗症

瓜子仁湯 治惡露未盡或經行瘀血停滯小腹作疼
或成腸癰等症 方在孕癰卷

敗醬散 治脉數身無熱腹無積聚按之軟濡此為腸

癰乃久積陰冷所成

苡仁

二兩半

附子

炮半兩

敗醬草

一兩二錢半

每服四錢水煎服以小便利為度

牡丹湯

即牡丹皮散

治腸癰腹軟而痛時下膿血

方在孕瘕卷

千金大黃牡丹湯

治腸癰小腹堅腫按之則痛肉色

如故或炊赤微腫小便頻數汗多增寒脉遲緊未成

膿者宜服之

梅仁湯

治腸癰壅痛大便秘澀

二方在外科腸癰門

神仙蠟礬丸 最解毒止痛

方在癰疽門

失笑散 產後心腹絞痛或血迷心竅不知人事及尋

常腹內瘀血積血作痛

五靈脂

炒蒲黃 炒等分

為末每服二錢酒調下

乳癰乳岩

經云乳頭屬足厥陰肝經乳房屬足陽明胃經若乳房
忽壅腫痛結核色赤數日之外焮痛脹潰稠膿湧出

膿盡而愈此屬胆胃熱毒氣血壅滯名曰乳癰為易治若初起內結小核或如蟹棋子不赤不痛積之歲月漸大巉岩崩破如熟榴或內潰深洞血水滴瀝此屬肝脾鬱怒氣血虧損名曰乳岩為難療治法焮痛寒熱宜發表散邪腫焮痛甚宜踈肝清胃或不作膿成不潰宜用托裏或肌肉不生膿水清稀宜補脾胃或膿出反痛惡寒發熱宜補氣血或腫焮作痛晡熱內熱宜補陰血或飲食少思時作嘔吐宜補胃氣或

飲食難化泄瀉腹痛宜補脾氣或勞碌腫痛宜補氣
血怒氣痛腫宜養肝血甚不可用尅伐之劑復傷脾
胃也乳岩初患用益氣養榮湯加味逍遙加味歸脾
可以內消若用行氣破血之劑則速其亡

一婦內熱脇脹兩乳不時作痛口內不時辛辣若卧而
起急則臍下牽痛此帶脉病也小柴胡加青皮黃連
山梔二劑而安

一婦先熱渴至夜尤甚後兩乳忽腫肝脉洪數乃熱入

血分用加味小柴胡湯而愈

一婦膿清腫硬面黃少食內熱晡熱自汗盜汗月經不行此肝脾氣血俱虛也用十全大補加遠志貝母及補中益氣各三十餘劑外用葱熨法而消

一婦久鬱左乳內結核如杏三月不消心脉瀉脾脉大按之無力此肝脾氣血虧損以八珍加貝母遠志香附柴胡青皮桔梗五十餘帖而消

一婦右乳內結三核年餘不消朝寒暮熱飲食不甘此

肝脾氣血虧損內服益氣養榮湯外以木香餅熨之
年餘血氣復而消

一婦乳內結核年餘哺熱食少此血氣不足欲用益氣
養榮湯彼欲效速另服行破之劑潰出清膿而歿

一婦乳內結核如栗亦服前藥大如覆碗堅硬如石出
血水而歿

神効瓜蒌散 治乳癰及一切癰疽初起腫痛即消膿
成即潰膿出則愈

瓜蒌

一箇爛研

生粉草

當歸

酒洗各半兩

乳香

沒藥

各一錢

用酒煎服良久再服若肝經血虛結核久而不消

佐以四物柴胡升麻白朮茯苓甘草若肝脾氣血

虛弱佐以四君芎歸柴胡升麻若憂鬱傷脾氣血

虧損佐以歸脾湯

玉露散

治產後乳脉不行或身體壯熱頭目昏痛大

便澁滯等症

人參

茯苓

桔梗

炒川芎

白芷

當歸


芍藥

各一錢
甘草五分

右水煎服

乳癰初發

貝母為末每服二錢熱酒下即以二手覆按卓上垂
二乳向下良久自通



赤水元珠卷二十四